

欽定石渠寶笈三編

欽定石渠寶笈三編

延春閣藏 二十四

列朝名人書畫

明錢穀石湖八景圖 一冊

明錢穀白嶽遊圖 一冊

明錢穀遊白岳圖 一冊

明錢穀秋堂讀書圖 一卷

明錢穀田家樂事圖 一卷

明錢穀洗桐圖

一軸

明錢穀歲朝圖

一軸

明錢穀雪山行旅圖

一軸

明錢穀畫吉慶圖

一軸

明錢穀畫山水

一軸

明錢穀畫午日鍾馗

一軸

明錢穀畫杏花喜鵲

一軸

明居節醉翁亭圖

一軸

明居節畫江南春

一軸

明居懋時畫秋讀書樂

一軸

明王乾寫生

一軸

明朱端尋梅圖

一軸

明王問煮茶圖

一卷

明陸師道萬竿脩竹圖

一軸

明陸師道畫山水

一軸

明王穀祥畫花卉

一冊

明王穀祥畫竹梅寒雀

一卷

明王穀祥畫四時花卉

一卷

明王穀祥畫花鳥

一軸

明王穀祥畫天中花果

一軸

明王穀祥畫梅花水仙

一軸

明謝時臣岳陽樓圖

一軸

明謝時臣四皓圖

一軸

明謝時臣高人雅集圖

一軸

明謝時臣山陰歸棹圖 一軸

明謝時臣鹿鳴嘉宴圖 一軸

明謝時臣畫山水 一軸

明陸治練川草堂圖 一卷

明陸治雲川圖 一卷

明陸治石湖圖 一卷

明陸治玉田圖 一卷

明陸治畫山水 一卷

明陸治歲朝如意圖

一軸

明陸治久安大吉圖

一軸

明陸治竹報平安圖

一軸

明陸治羣仙拱壽圖

一軸

明陸治雙雞圖

一軸

明陸治畫寒江釣艇

一軸

明陸治畫水仙芝草

一軸

明陸治畫花鳥

一軸

明陸治仿王蒙林壑蕭閒  
一軸

明陸治畫天中佳卉  
一軸

明陸治畫榴花小景  
一軸

明陸治畫端陽佳景  
一軸


明陸治畫山水  
一軸

明陸治畫玉簪秀石  
一軸

明陸治畫牡丹  
一軸

明陸治畫松芝  
一軸





明錢穀石湖八景圖 一冊

本幅八對幅皆縱七寸二分橫六寸右絹本  
設色畫一石湖二越來溪三行春橋四郊臺  
五古藤塢六楞伽寺七范祠八橫山分鈐印  
錢穀<sub>三</sub>錢叔寶氏<sub>三</sub>左紙本分題行書 石  
湖萬頃湖光上下浮洞庭東去百花洲遊人  
莫向湖頭望烟草猶含霸業愁 越來溪吳  
沼臺傾秋草斑五湖流水白雲間千羣兕甲

來何速。一葉蛾眉去不還。行春橋飛虹百  
尺卧蒼波。仿佛星橋架夕河。元是綺羅香輦  
地。畫船日日載笙歌。郊臺周家禮樂昔崩  
頽。吳子居然泰時開。一自姑蘇麋鹿走。紫壇  
蒼玉但荒臺。古藤塢白日晴巖長。晷靈古  
藤千尺挂蒼崖。何年儻化蛟龍去。偃蹇深山  
空霧埋。楞伽寺碧巘浮圖插紫霄。羅盤石  
磴寺門遙。松雲隔處鐘聲杳。欲就東林惠遠

招 范祠水上荒祠翳薜蘿文章事業一生  
多題楣猶是先皇筆不讓當年賜鑑湖 橫  
山泉石偏饒五塢間夕陽湖上弄潺湲野人  
不得君王乞且學深公一買山分鈴印淳父  
氏七

前副葉

御題楷書

姑蘇城外石湖通瀲灩波浮塔嶺崇三十年前

曾泛棹坐遊心印畫圖中

湖石

英風霸業舊基

恢心醉娥眉吳沼灰一道清溪浮畫舫歌聲未

歇越兵來

越來溪

湖光輕蘸柳條新百尺長橋

枕碧津曲折芳隄接遠墅甲辰三月度行春

春行

橋

周禮相沿吳郡脩郊臺突兀舊章留夫差

自敗嗟荒廢蔓草頽崖麋鹿遊

郊臺

喬木高森

結女蘿古藤天矯閱年多風霜久識相縈繫依

附枝柯蔭曲阿

古藤

古寺依巖繞碧叢萬松

翁鬱徑斜通，沼吳興越皆陳迹。漫向招提問遠

公楞伽寺

名臣宋代推文正，昔日天平謁古祠。

人傑地靈昭不朽，賢才心慕廟廊資。

范祠

青峯

層疊白雲環，湖影微茫漾遠灣。山水清音聚尺

幅，編排佳景硯池間。

橫山

嘉慶甲戌秋日御題鈐

寶二嘉慶

後副葉前人題跋

十里湖光玉鏡浮，四圍山色錦雲稠。不須苦

向君王乞天與幽人汗漫遊  
吳子臺荒麋

鹿棲范公祠前鷗鷺期霸業銷沈明德祀行  
人指點御書碑  
百尺星橋水面開千巖空

翠若浮來觥船日夕笙歌擁因識西施照影

回  
越來谿似輞川莊萬柳垂金覆草堂高

士風流貴巖壑烟霞常繞卧龍岡  
觀音岳

下潮音洞洞口飛梁鰲背橫六月陰森看凍

雪四山風雨聽龍鳴  
石湖新水碧涵天漁

父磯頭秋色妍。紫蟹銀鱗晚堪釣。丹楓黃菊  
醉相憐。楞伽古寺樓賢地。院院松蘿繡佛  
筵。我亦遠公招致客。竹根長日枕書眠。上  
方巖。葉浮蓬島。雁塔虛無湧梵宮。覽勝欲窮  
千里目。流雲亭畔倚松風。寶積精藍千樹  
梅。年年踏雪探春來。只今寺破殘僧盡。零落  
孤英一兩栽。紫薇村巷入林斜。鷄犬桑  
一脫  
宇。處處花人世。桃源不須問。每嫌城市欲移



家。萬峯圍合曉山青。茶磨岡頭俯碧潯。最愛紫烟消歇後。夕陽明月對升沈。月上湖波碎湧金。波心滉漾玉山岑。扁舟載酒乘風去。鶴背遙聞鳳吹音。棲雲上人得磬室徵君所畫石湖八景元洲祠部質山文學題而詠之。可謂三絕。乃復以餘紙俾書舊作續貂之誚。其容免乎隆池山樵彭年識鈴印二彭年孔嘉清世逸民。

鑒藏寶璽

全五璽

寶笈三編

收傳印記靜寄軒圖書印畢秋颿書畫記朱  
之赤鑒賞秋颿珍賞高岱之印一重朱之赤卧  
庵道士畢瀧鑒賞畢沅審定秋颿寶玩朱卧  
庵收藏印

謹按黃姬水字淳父號質山跋中所稱質山  
文學是也元洲陸師道別號據跋尚有題句  
今已軼

[illegible]

明錢穀白嶽遊圖 一冊

本幅紙本十八對幅皆縱九寸一分橫九寸  
三分設色畫各有楷書標題一封門二寶帶  
橋三垂虹橋四得勝壩五富春山富陽縣境  
之左一小石山俯臨大江上有嚴先生祠并  
縣之鼓角樓登之可槩覽江山之勝六七里  
龍在睦州之北巉巖峭壁複嶺重巒溪流迴  
合舟行疑無路且嵐翠交陰蔽幕天日彷彿

如島峽中也子陵遺蹟具存予經過時值烟  
雲瀕洞霧雨冥濛又是一樣奇觀耳七白馬  
夫人廟在遂安港口之南三十里高岸深谷  
清流激湍亦奇勝處八響山潭在淳安縣東  
二十里許俗名獅象把門舟人過此語笑相  
應故名九乳香臺峭壁千仞俯立溪中天清  
日朗云上有鍾乳交流余值陰暝過此不能  
見十界口巡檢司溪流清駛危石森立於溪

之上下如列戟然舟人避險而行乃入新安  
境之始十一橫石灘當溪一巨石橫卧餘亂  
石碁列溪流為石所激其勢甚惡舟行上下  
亦甚危懼十二岑山渡當溪砭一小石島名  
土岑浮於水面樹木蓊鬱土石秀潤溪至此  
稍狹繫四圍可通舟楫兩岸多山家大族乃  
歙境也十三屯谿鎮去休寧邑三十里水淺  
灘急舟楫不能進矣土人用毛竹編為筏用

載人貨十四。古城巖在休邑東萬安街之左。里許有二石交倚如洞戶。云築焚石。石上多宋元人題名。過此有巨石銳而長橫瞰於上。人從其下行名鵞嘴石。以其形似耳。稍上有汪將軍廟。將軍名華。隋季兵亂。團結六郡保禦鄉里。至唐武德中。獻土地以安人民。至今德之立廟於此。載諸祀典。廟左有一小山。巍然獨聳。上有碑浮圖七級。不甚大。下有一小

洞十五。下汶溪在休寧縣南三里。上架石梁。空七洞。以泄灘水。梁之兩塊皆有樓。以便登眺。南樓對松蘿。北樓面玉几。景甚奇。十六落石。一名斷石。在下汶溪西三里。巖空如厂。厂下有一巨石。平砥可坐。三四十人。清流環繞。景亦奇勝。巖上有宋人題名十七。齋雲巖。去休寧西循溪行三十里。至白嶽山。山不甚深。高約十里。循石級而上。且多亭館。憩息至望。



仙亭則白嶽盡矣。復由石級而下度天門。經珍珠簾登天梯。循平嶺折左方。至真武棲真之地。復由左至萬人緣飛雨樓。五老峯俱在焉。予五宿山中。飽飲泉石之勝。人生奇賞也。十八石橋巖。由萬人緣經五老峯下太平嶺。陟石級。循曲磴約十里。至渠口溪。溪折兩行。兩山中又十里許。登小坡。轉南渡危梁。草木蒼鬱。溪流映帶。依磴又行三四里。至石橋橋。

架兩屋高百尺中空可容數百人上平坻濶  
約十餘丈躋而登之亦甚易俯視諸峯奔趨  
萬狀橋左聯一巖色丹橫亘千丈上有泉滴  
漉如珠纚纚不絕有佛宮嵌於下大巖之左  
小巖上環一石龍鱗甲備具五彩煥發宛然  
如生云常口吐微泉子適不見巖稍下有湛  
甘泉書院橋右當空塞一峯極秀拔如拱立  
狀蒼翠可挹少移跬步則不見矣巖與橋下

宋人題名甚多讀其可識者十五條餘皆漫

滅矣隆慶改元仲夏彭城錢穀製分鈐印錢

穀一重錢叔寶氏一重縣磬室二重三吳漫士一重尚

友齋鵠鵠館一重畫隱叔寶三

前副葉題識

白嶽遊書篆磬室子在嘉靖丁未為茲遊丙寅

乃想像作此始吳門道浙江入睦州沂歙溪

至白岳而止圖凡十有八紙隆慶己巳吳人

許初題鈴印一許元復氏

鑒藏寶璽

全五璽

寶笈三編



明錢穀遊白岳圖一冊

本幅紙本。十八對幅。皆縱八寸六分。橫八寸七分。右幅淺設色畫。各有楷書標題。一寶帶橋。二減渡橋。三垂虹橋。四得勝壩。五富春山。富陽縣境之左。一小石山。俯臨大江。上有嚴先生祠。并縣之鼓角樓。登之可概覽江山之勝。六七里龍。在睦州之北。巉巖峭壁。複嶺重巒。溪流迴合。舟行疑無路。且嵐翠交陰。蔽羃

天日彷彿如島峽中也。子陵遺蹟具存。子經  
過時。值烟雲瀕洞。霧雨冥濛。又是一樣奇觀。  
耳七乳香臺。峭壁千仞。俯立溪中。天清日明。  
云上有鍾乳交流。予值陰暝。過此不能見。八  
白馬夫人廟。在遂安港口之南卅里。高岸深  
谷。清流激湍。亦奇勝處。九響山潭。在淳安縣  
東廿里許。俗名獅象把門。舟人過此。語笑相  
應。故名。十街口巡檢司溪。流清駛。危石森立。

於溪之上下如列戟然。舟人避險而行。乃入  
新安境之始。十。橫石灘。當溪一巨石橫卧。  
餘亂石基列。溪流為石所激。其勢甚惡。舟行  
上下亦甚危懼。十二。岑山渡。當溪。一小石  
島名玉岑。浮於水面。樹木蓊鬱。土石秀潤。溪  
至此稍狹緊。四維可通舟楫。兩岸多山家大  
族。乃歛境也。十三。屯谿鎮。去休寧邑三十里。  
水淺灘急。舟楫不能進矣。土人用毛竹編為



筏以載人貨。十四落石亦名斷石。在下汶溪西三里。巖空如厂。厂下有二巨石平砥可坐。三四十人。清流環繞。景亦奇勝。巖上有宋人題名十五。古城巖在休邑東萬安街之左。里許有二石交倚如洞戶。云筌筌石。石上多宋元人題名。過此有巨石銳而長。橫瞰于上。人從其下行。名鷲嘴石。以其形似耳。稍上有王將軍廟。將軍名華。隋季兵亂。團結六郡保禦。

鄉里。至唐武德中獻土地以安人民。至今德  
之立廟于此。載諸祀典。廟左有一小山巍然。  
獨聳。上有磚浮圖七級。不甚大。下有二小洞。  
十六石橋巖。由萬人緣。經五老峯。下太平嶺。  
陟石級。循曲礧。約十里至渠口溪。溪折兩行。  
兩山中。又十里許。登小坡。轉南渡。危梁草木  
蓊鬱。溪流映帶。依礧。又行三四里。至石橋橋。  
架兩厓。高百尺。中空可容數百人。上平砥濶。

約十餘丈。躋而登之。亦甚易。俯視諸峯。奔趨萬狀。橋左聯一巖。色丹。橫亘千丈。上有泉滴。漉如珠。灑灑不絕。有佛宮嵌于下。大巖之左。小巖上環一石。龍鱗甲備具。五彩煥發。宛然如生。云口常吐微泉。予適不見。巖稍下有湛甘泉書院。橋右當空塞一峯。極秀拔。如拱立狀。蒼翠可挹。少移跬步。則不見矣。巖與橋下宋人題名甚多。讀其可識者十五條。餘皆漫

滅矣。十七下汶溪。在休寧縣南三里。上架石梁。空七洞。以泄灘水。梁之兩塊皆有樓。以便登眺。南樓對松蘿。北樓面玉几。景甚奇。十八齊雲巖。去休寧西。循溪行三十里。至白嶽山。山不甚深。高約十里。循石級而上。且多亭館。憩息。至望仙亭。則白岳盡矣。復由石級而下。度天門。經珍珠簾。登天梯。循平嶺。折左方。至真武棲真之地。復由左至。萬人緣飛雨樓。五

老峯俱在焉。予五宿山中。飽飫泉石之勝。人生奇賞也。分鈴印叔寶。五錢穀。四縣磬子。縣磬室。四左幅空。

前副葉標題

白岳游。錄磬室子在嘉靖丁未為茲遊。丙寅乃想像作此。始吳門道浙江入睦州。沂歙溪。至白岳而止。圖凡十有八紙。隆慶己巳夏。周天球紀鈴印。二周公瑕氏六止居士。

後副葉題跋

齊雲之勝天奇也。待丹青而闡靈。錢山人畫人奇也。賴溪山而創境。若相因而成者。曾謂繪事小技乎。余慕茲巖之奇。欲禮白嶽神君。因循二十年。未能決策。獲覽山人遺蹟。如入少文之室。澄懷卧遊。奚必裹糧躡屨。溯桐江。陟嚴瀨。崎嶇灘聲嵐影間。然後愜哉王穉登書于快雪亭。鈐印二穉登。

鑒藏寶璽

全五璽

寶笈三編

收傳印記吳希元印仇口吳慧中印松濤館  
吳之麟印鳴夏元定氏寶硯閣烟波釣叟

蘭珍賞

謹案錢穀遊白歲圖傳世頗多是冊與前冊  
蓋係一時所作各幅題識亦大畧相同其前  
幅一為許初跋一為周天球跋款異而字句  
不異惟是冊後多王穉登一跋耳

明錢穀秋堂讀書圖 一卷

本幅紙本縱七寸八分橫四尺六寸水墨畫  
松陰繞屋一人兀坐展書樹外橫小橋一有  
策杖佇立者款嘉靖己亥冬十二月廿七日  
吳門錢穀寫鈴印三叔寶氏錢穀縣磬室

後幅題跋

紫氣論真誥青牛訪道篇未須嘲尚白已自  
得重元妙用常無極和光每入圓吾遊方汗



漫何許奉周旋龍池山樵彭年鈴印一醉鄉  
侯印 之子藏修處生平尚隱微勞勞忘世  
事兀兀見天機細草新詞落清談玉麈飛坐  
來心入妙香篆薄雲衣長洲盛恩鈴印一長  
林豐草 雕豔消凡想沖虛不世羣馬蹄全  
達論秋水悟前聞卧愛春衣薄談忘玉雪紛  
自耽邱壑賁無處問揚雲元洲沈大謨鈴印  
三尚友堂游思竹素園寄辭翰墨林禹文父

文木將見斲，駢牛終致刳。達士貴闇闇，魏  
匏良可攜。緼緼暗野馬，藏閉全醯雞。勿以白  
自銜，前道多迴谿。江左周天球，鈴印一至哉。  
天下樂終日，在几桮。至理通元極，微言久  
不傳。莊周齊物論，老氏達生篇。貞遯塵囂遠，  
懷真性蘊全。於茲窺秘奧，覽賞足林泉。甬東  
汪鏜孫，鈴印一遠峯。至人内含光，婆娑契  
林壑。和倪寄遊行，守雌罕前却。柱下時開闔。

漆園貴生樂。南華浚長波。道德源還拓。虛牖  
展芸冊。停塵事酬索。肆觀萬物祖。頗羨郢人  
堊。曳尾戒廟犧。順蛻翔泥蟻。道妙即若亡。神  
存保峻作。立化苟不違。君其憩寥廓。汝南周  
光鈐印二。周韜叔氏周光之印。悟理真難  
足。談元豈易全。欲窺聃老意。休誦子雲篇。看  
月弦初上。高人畏滿時。地偏多勝事。把酒待  
相知。淞涯金懋仁鈐印一。湘雲館。北極生

申甫參星犯海槎。盤餐白玉髓。觴瀉赤城霞。  
定悟陰陽轉。無容鬢髮華。看君有僊骨。可許  
授丹砂。瑯邪諸茂卿。鈐印三上洋。諸季子。  
懋氏諸茂卿氏。高士住空谷。晨昏互去來。  
朝雲多幻現。夜月共徘徊。句就書常寄。情深  
甕自開。時光悲易失。春色上庭梅。天都吳觀  
題鈐印三。滌因未能道人。炤隱觀印。重疊  
太古色。濛濛花雨時。好山行恐盡。流水語相

隨墨土生紅朮黃猿領白兒因思石橋路曾  
與道人期玉峰王汲書鈐印二王汲印杖鐵  
山翁。


鑒藏寶璽

五璽寶笈三編

收傳印記師意齋珍賞印

謹案盛恩崑山人江西布政使頤之孫以子  
洪貴封刑部主事王汲亦崑山人著有六書  
勺十卷並見崑新合志沈大猷長洲人山東  
巡撫林之孫以蔭官潯州知府見元和縣志  
汪燿孫字遠峯鄞縣人嘉靖丁未進士官至  
尚書見寧波府志題名碑亦同又考四庫全

書  
文  
七  
南  
卿  
庫  
全  
書  
提  
要  
志  
汪  
鐘  
餘  
清  
堂  
定  
稿  
三  
十  
二  
卷  
亦  
無  
孫  
字  
據  
明  
史  
藝  
卿  
禮  
部  
又  
不  
列  
鐘  
名  
豈  
鐘  
孫  
後  
更  
名  
所  
官  
乃  
南  
禮  
部  
又  
不  
列  
鐘  
名  
豈  
鐘  
孫  
後  
更  
名  
所  
官  
乃  
卿  
字  
子  
懋  
諸  
城  
人  
著  
古  
今  
鈞  
元  
四  
十  
卷  
見  
四  
庫  
全  
書  
提  
要



明錢穀田家樂事圖 一卷

本幅絹本縱九寸五分橫一丈六寸五分設  
色畫水村山郭綠樹烏犍農夫戽水插秧及  
築場穫稻諸景自題隆慶辛未冬日倣石田  
先生農家樂業圖愧不能彷彿萬一也彭城  
錢穀鈐印一叔寶

鑒藏寶璽

五璽

寶笈三編



[illegible]

明錢穀洗桐圖 一軸

本幅紙本縱四尺四分橫一尺三寸九分設色畫青桐一本一僮在山石間繙水而上一僮自下承之一人巾幘支倚坐觀一僮執羽扇侍後自題洗桐圖長洲錢穀鈐印二錢穀之印叔寶

軸內分鈐

高宗純皇帝寶璽  
乾隆御覽之寶  
乾隆鑑賞

鑒藏寶璽

全五璽

寶笈三編

明錢穀歲朝圖 一軸

本幅紙本。縱二尺八寸八分，橫九寸二分。設色畫鍾馗烏帽袍笏，簪梅花一枝，上墨畫蝙蝠一款。隆慶壬申春王月，寫錢穀鈴印二叔寶。縣磬室。

鑒藏寶璽 五璽 寶笈三編

收傳印記 崑山徐氏鑒藏

[illegible]

明錢穀雪山行旅圖 一軸

本幅紙本。縱九尺。橫一尺七寸五分。設色畫。層巖積雪。枯木封條。一人披蓑策蹇度橋。奚童擔囊從。自題。雪山行旅。篆隆慶壬申十二月。寫錢穀鈐印四。叔寶。懸磬室。吳越王裔。錢叔寶印。

鑒藏寶璽

全五璽

寶笈三編



明錢穀畫吉慶圖 一軸

本幅紙本。縱二尺八寸九分。橫一尺。設色畫。林下鍾馗。烏帽青袍。跣一足。坐木榻上。擊磬。款。隆慶元年臘月廿二日。錢穀寫。鈐印二。叔寶。懸磬室。

鑒藏寶璽 鈐璽 寶笈三編



[illegible]

明錢穀畫山水一軸

本幅紙本。縱三尺六寸六分。橫七寸六分。水墨畫層峯浮靄。密樹含烟。山館中一人觀書。一人拄杖沿溪行。童子抱琴從。鈐印二。錢穀叔寶。

玉池

之果先生與先君子交最久。最晚。此畫在蕩口舟中所作。忘記歲月。款識。今先生仲君養

誠兄攜以示余。乞識其真。余小子敢於佛頭  
上著糞耶。此畫細密。初非潦草。思致深遠。步  
武衡翁。全非本色。第今耳學輩。動以無款為  
歎。百方覓彷彿贗者。補其名。真本有之。大為  
點污。政不知唐宋名筆。何嘗有款。南宋馬遠  
父子。於竹根石隙。細書小字。俾快觀者一時  
不可得。至松雪大癡。始濫觴云耳。即先君子  
此畫。摸索可知。即無款。將屬之何人哉。養誠

兄幸善藏之。勿輕示耳。學俗子可也。萬曆庚申仲秋廿二日。允治題。鈐印二。功父。梧臺。

軸內鈐

高宗純皇帝寶璽。乾隆御覽之寶。


鑒藏寶璽

全璽

寶笈三編

收傳印記。朗潤堂。高士奇。印。

謹案錢允治初名府。後以字行。更字功父。長洲人。穀子。見明詩綜小傳。




明錢穀畫午日鍾馗一軸

本幅紙本。縱四尺九分。橫九寸八分。淺設色。  
畫松下鍾馗。烏帽綠袍。手執笏。旁有鬼卒捧  
瓶。插石榴靈芝以獻。款癸亥仲冬廿日。錢穀  
寫。鈐印二。錢叔寶氏。懸磬室。

鑒藏寶璽

金璽 寶笈三編

收傳印記 天口永圖一印漫漶



明錢穀畫杏花喜鵲一軸

本幅紙本縱三尺六寸橫一尺五分設色畫  
紅杏一枝一鵲噪枝上款隆慶己巳冬十二  
月寫錢穀鈐印二錢氏叔寶縣磬室


鑒藏寶璽

金五璽

寶笈三編

收傳印記蘭陔堂書畫記九芝仙圃





明居節醉翁亭圖 一軸

本幅紙本。縱二尺七寸三分。橫一尺一寸五分。墨畫醉翁亭圖。款。壬午夏四月。居節製。鈐印二。居節印。居仲。上方楷書。歐陽修醉翁亭記。不全文款。長洲張鳳翼鈐印二。伯起。

鑒藏寶璽 五璽 寶笈三編

謹案居節字士貞號商谷吳縣人。攷見續編。

[illegible]

明居節畫江南春一軸

本幅絹本。縱三尺五寸四分，橫九寸六分。設色畫綠波青嶂，纖草繁英。自題江南春。篆象床凝寒照藍筍，碧幌蘭溫瑤舄靜。東風吹夢曉無蹤。起來自覓鷺鴻影。彤簾霏霏宿餘冷。日出鶯花春萬井。莫怪啼痕棲素巾。明朝紅媽飛作塵。春日遲。春波急。曉紅啼。春香霧濕。青華一失不再及。飛絲營空眼花碧。樓前柳。

色迷城邑柳外東風馬嘶立水中行帶牽柔  
萍人生多情亦多營嘉靖辛卯四月幾望商  
谷居節鈐印一居節

鑒藏寶璽

金五璽

寶笈三編

明居懋時畫秋讀書樂 一軸

本幅紙本。縱四尺六寸。橫一尺一寸五分。淺  
設色。畫山庭碧梧。秋夜柴關。案上置燈檠。書  
帙。一人倚短籬。予凝眺。自書宋人詩。庭前  
昨夜葉有聲。籬豆花開蟋蟀鳴。不覺商意滿  
林薄。蕭然萬籟涵虛清。近牀賴有短檠在。及  
此讀書功更倍。讀書之樂樂陶陶。起弄明月  
霜天高。居懋時鈐印二。懋時居子中氏。

鑒藏寶璽

金五璽

寶笈三編

收傳印記得印思印春和百忍

謹案錄句乃宋翁森詩是軸即畫詩意森字  
秀卿號一瓢台州仙居人宋亡隱居教授有  
一瓢集見仙居縣志今人皆誤以為朱子作  
附辨於此懋時節子亦善畫見蘇州府志

明王乾寫生 一軸

本幅絹本縱四尺七寸三分橫二尺六寸四分設色畫紅梅一株烏尼鸚鵡翔集其上雞飼其下款王一清鈐印一桃源樵仙

鑒藏寶璽 全五璽 寶笈三編

謹案王乾字一清號天峰臨海人善畫禽蟲花卉見畫史會要



[illegible]

明朱端尋梅圖 一軸

本幅絹本。縱六尺五寸。橫三尺八寸七分。設色畫。飛雪滿山。寒鴉作陣。巖閣間梅萼初花。幽人張蓋尋芳。二童子囊琴負書從款。朱端鈐印一克正。

鑒藏寶璽 五璽 寶笈三編

謹案朱端字克正。海鹽人。正德間以畫士直仁智殿。賜一熊圖。嘉慶一熊見嘉興府志。

--	--	--	--	--	--	--	--

明王問煮茶圖一卷

本幅紙本。縱九寸二分。橫一丈一尺九寸五  
分。水墨畫一人坐竹爐旁煮茗。一人展卷作  
書。一童侍側。款嘉靖戊午夏日。仲山王問寫。  
鈐印一。王問之印。草書茶歌。華山前。玉川子。  
先春芽。龍竇水。石鼎竹爐松火紅。魚眼湯成  
味初美。君不見真陽動時氣。滿盈萬簇旗鎗  
海雲裏。纖手摘來清露溥。黃金臺畔香塵起。

宜州陽阮何足奇。中冷雪鳴無乃是。琉璃牕  
下三啜飼。頓覺清寒沁人齒。數片中涵萬斛  
泉。焦吻枯腸一時洗。雅州老僧口未已。指點  
一翁柱下李。品嘗未竟一夜仙。走入青城暮  
山紫。祇問留題石公水。霧鎖雲封幾千祀。仲  
山王問書於寶泉。冷抱一廬鈴印一。仲山王  
問。

明陸師道萬竿修竹圖 一軸

本幅紙本。縱二尺三寸八分。橫九寸。墨畫。曲  
欄幽徑。萬个篔簹。一人憑樓獨眺。自題。惟修  
竹之勁節。偉聖賢之留賞。覽山經而遐聽。詠  
周詩而遐想。掩褰中而獨秀。非庶物之所仰。  
若夫嶰谷著美。稽山見知。衛國之稱淇澳。梁  
園之賦夾池。山陽之翻密葉。江潭之竦喬枝。  
雖有聞於在昔。諒無得而標奇。乃徒植於廣

庭爰移根於禁苑。亘莫草而東列。遠醴泉而  
右轉。修榦橫於松徑。低枝拂於蘭畹。對紫殿  
之初旭。臨丹樓而向晚。望威鳳而來儀。佇化  
龍之為遠。爾乃春光變色。夏景開叢。枝藏戲  
鳥。葉間殘虹。上使娟而防露。下檀樂而來風。  
散歸雲之掩翳。引落日之玲瓏。雖復嚴霜曉  
結。驚飈夕扇。雪覆層臺。寒生複殿。惟貞心與  
勁節。隨春冬而不變。考衆卉而為言。最高於

歷選嘉靖甲午四月既望五湖陸師道鈐印

一陸氏子傳

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽五璽寶笈三編

收傳印記太原圖記

謹案本幅所題係唐許敬宗竹賦末句常最  
高于歷選脫常字



明陸師道畫山水一軸

本幅紙本縱二尺一寸五分橫一尺七分設  
色畫丹崖青嶂茅屋松林一人憑几觀書自  
題游山之最佳處輒當作自欣喜盤桓而不  
能去領略幽致有得於心必形諸楮墨恍對  
名山水此古人之善作粉本不假旁求然非  
真會其理則心常有餘而力恒不足余嘗默  
體斯意故每游目騁懷皆手畫心維不肖絲

毫放過以靜氣觀相如在目前此境之妙非  
道中三折肱不及也嘉靖壬子四月霽雨初  
霽聽時鳥弄聲欣然有會捉管圖此并錄畫  
論一則五湖陸師道鈐印二師道陸子傳氏  
軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

鈕

五璽

寶笈

三編

收傳印記詒晉齋印

明王穀祥畫花卉一冊

本幅十二對幅皆縱八寸八分橫六寸九分  
右幅絹本設色畫一蘭花金絲荷葉二芍藥  
紫藤三虞美人四萱花翠梅五金絲桃魚兒  
牡丹六僧鞋菊翦秋紗七淡竹葉花石竹八  
秋葵藍菊九萬壽菊十秋海棠西番蓮十一  
雞冠老少年十二水仙月季款嘉靖辛丑春  
仲穀祥分鈐印穀祥五種祿之四種王祿之印四種

冢宰之屬

三

鑒藏寶璽

鈕璽

寶笈

三編

編

收傳印記張丑之印珍秘小泉張趙谷古鼎

堂

明王穀祥畫竹梅寒雀一卷

本幅宣紙本。縱九寸三分。橫五尺七寸八分。  
墨畫竹梅寒雀。自題。萬木未舒萌。古梅獨先  
發。寒雀識春色。飛來伴香雪。西室王穀祥畫。  
并題鈴印一。祿之。

高宗純皇帝御題行書

梅竹嘉賓集。飛棲態各超。喜緣鶯啄粟。怒或目如  
椒。花下依香住。竿間弄影飄。處堂還免誚。樂意託

清寥乙酉仲春月御題 泉香亭合弄佳圖酉室

崔梅恰當夫莫謂南枝闕北地

句以盆梅植之於庭今竟成樹作花

知別有詩紀事試觀弄影與呼雛曰真曰幻渾難辨是異

是同都可娛何必紆千羣怨冷即看龍井傍西湖

泉香亭蓋寫龍井一曲為之壬寅暮春上澣御題 早年驛致

祿之卷亭子泉香供靜娛閱三歲來如昨日非他人  
賡是真圖崔棲枝上羣忘冷梅映庭前兩不孤  
龍井無殊摘藻况笑予何必憶西湖乙巳暮春之

初御題 山中所少者曰惟竹與梅。通歲培植之。  
庭際頗成材。古松卓相對。三友名宜哉。是謂忘年  
交。展圖兩不棄。羣雀何為乎。飛鳴驚客來。辛亥季  
春中。澣御題 田盤向日本無梅。通歲勤教栽者  
培。移種不妨盆缶本。遂看就近戶庭開。對因畫卷  
評真假。題即書圖驗往來。啾唧簷間窺牖者。誰為  
賓主尚相猜。癸丑三月御題。

引首

御書樂意清標

卷內分鈐

寶璽乾隆宸翰一幾暇臨池

古稀天子一猶日孜孜一

古稀天子之寶八徵耄念一自強不息一避暑山莊  
太上皇帝之寶筆端造化萬有同春乾隆御覽之寶

乾隆鑑賞

五福五代堂古稀天子寶八徵耄念之寶用筆在心



墨雲泉香亭落花自有文章趣

鑒藏寶璽

金鈕

璽

寶笈

三編

收傳印記神品平生真賞

卷之四

四

明王穀祥畫四時花卉一卷

本幅絹本縱七寸五分橫一丈七尺二寸分  
畫四時花卉十三種。一墨畫蘭。目題紉為君  
子。珮靜拂谷中香。二淺設色畫牡丹。自題拭  
面何郎疑傅粉。前身韓壽有餘芬。三設色畫  
海棠新竹。自題少陵還擱筆。與可漫題詩。四  
設色畫荷。自題却扇一顧粉黛無色。五墨畫  
枇杷。自題夏熱圖。六設色畫石榴。自題有懷

寄相憶何處石榴紅七。設色畫萱自題。樹萱  
草以忘憂八。淺設色畫菊自題。東籬逸趣九。  
設色畫秋海棠自題。比作三春艷。舒將砌畔  
英十。設色畫芙蓉自題。年來總有看花意。不  
愛深紅愛淺紅十一。設色畫水仙山茶自題。  
洛浦留瓊珮。先春燦寶珠十二。設色畫南天  
燭自題。歲寒一枝十三。水墨畫梅自題。羅浮  
香雪款嘉靖辛卯冬月。仿元人寫生沒骨法。

穀祥分鈴印。小竹村存吾齋。一重西室。一重抗月。  
裏。一重祿之。一重五湖生。人生一樂。

後幅題跋

宋人花卉。以刻畫見長。皆有院體習氣。元李  
諸公。以神韻取妍。自具風格。此西室先生畫  
卷。能兼前賢之妙。真傳作也。項聖謨鈴印二。  
易菴存存居士。予所得王祿之先生畫。不  
下數十幀。此卷最愜意者。壬申立春後二日。

書於十二研齋竹懶鈴印一李日華印

鑒藏寶璽

全五璽

寶笈三編

收傳印記焦林書屋十二硯齋圖書記蒼巖  
家在北潭

明王穀祥畫花鳥一軸

本幅絹本縱五尺二寸一分橫二尺五寸四分設色畫梅花一株棲白頭翁二觀以山石靈芝天竹山茶水仙諸花款嘉靖甲寅秋七月望日穀祥鈐印二穀祥王祿之印

鑑藏寶璽

五璽

寶笈三編

[illegible]



明王穀祥畫天中花果一軸

本幅絹本縱三尺一寸五分橫一尺一寸五分設色畫瓶中插梔子石榴蘭花萱草旁綴杏子楊梅盧橘款嘉靖庚申五月五日戲寫於堅白齋中穀祥鈐印一祿之

鑒藏寶璽

五璽

寶笈三編

收傳印記洪成鼎印

卷之八

八

明王穀祥畫梅花水仙一軸

本幅紙本縱三尺五寸七分橫一尺七寸五分墨畫梅石雙鉤水仙款梅仙綺石酉室王穀祥寫鈐印二酉室山人祿之

鑒藏寶墨

全五墨

寶笈三編

[illegible]


明謝時臣岳陽樓圖 一軸

本幅紙本。縱七尺七寸五分。橫三尺一寸八分。淺設色。畫遙峯疊翠。絕巘枕流。雲水微茫。與天無際。層樓聳出林表。二人憑欄觀眺。自題岳陽樓。樗仙謝時臣寫。鈐印二。姑蘇□□逸人謝思忠氏。

鑒藏寶璽

全五璽

寶笈三編



明謝時臣四皓圖 一軸

本幅絹本。縱七尺八寸七分。橫三尺一寸。淺設色。畫層巒蔽空。繞以雲氣。古松離立。間以梅枝。松下二老就石弈棋。一老旁觀。二童子侍。一執杖。一隱身松根。一老策杖度橋而來。一童子囊琴隨後。花間馴鹿。石上靈芝。溪泉潺潺。山逕幽絕。款姑蘇謝時臣筆。鈐印二。樗仙子。吳門謝時臣圖書記。

鑒藏寶壘  
金五  
寶笈三編



明謝時臣高人雅集圖 一軸

本幅紙本縱二尺九寸八分橫一尺五寸五分墨畫喬柯山石綠竹芭蕉三人席地而坐旁列琴書筆硯瓜果酒肴一童子侍立隸書題識己丑秋仲北涓王夫子偕諸高士賁愚草堂解船磅礴淹留竟日愚不讓為作雅集圖時賁酬紀勝各有篇章余不復爾耳吳門謝時臣識鈐印二思忠父樗全子

鑒藏寶璽

全五璽

寶笈三編

明謝時臣山陰歸棹圖 一軸

本幅紙本縱二尺七寸橫三尺二寸七分淺  
設色畫溪山積雪蓑笠歸舟自題山陰迴棹  
蘇郡謝時臣寫鈴印二謝思忠氏樗仙

鑒藏寶璽

全五璽

寶笈三編




明謝時臣鹿鳴嘉宴圖 一軸

本幅絹本縱五尺八寸橫二尺五寸七分淺  
設色畫甘蕉叢竹山石流泉羣鹿呦鳴六人  
席地環坐賓主獻酬極酒醴笙簧之誼自題  
鹿鳴蘇郡謝時臣寫鈐印二中吳謝老樗仙  
翁

鑒藏寶璽

全五璽


寶笈三編



明謝時臣畫山水一軸

本幅絹本。縱四尺三寸六分。橫一尺九寸六分。淺設色。畫雲巒夏木。水榭新荷。兩人從樹間來。一童子持扇隨後。自題夏木成陰。謝時臣寫。鈐印一。謝氏思忠。

鑒藏寶璽五  
寶笈三編





明陸治練川草堂圖 一卷

本幅絹本。縱九寸七分。橫二尺三寸七分。設色畫。夾岸秋林。清川如帶。無款。鈐印三。陸生叔平。陸叔平氏。包山子。

後幅題跋

祈水明如練。涵虛演澤長。臨流凝思處。藻雪  
應滄浪。水閣秋空天萬里。三江日出信潮  
來。恍疑坐聽枚乘語。灑練能令五臆開。丁酉

新秋包山子陸治畫并題鈐印二有竹居包  
山子練川賦有序練川者督府都事睢陽  
朱君繼甫所自號也繼甫為太宰玉峯公之  
元子其先宋秘閣公自汴徙蘇墓在練祈川  
子孫名德繼世軒裳踵武靈源流行用大集  
於我太宰公故繼甫稱之示不忘也嘉靖十  
□載太宰公懸車請老都事君謁告就養優  
游桑梓從容談宴間示年以平原陸叔平畫

江夏黃勉之文。皆致美於練川之隅者。咏歎  
不足。為賦其事。其辭曰。覽吳會之雄麗。偉練  
祈之名川。沿三江而南。驚趣巨海。而八馬介  
崑嘉之交壤。表秘閣之崇垣。靈區奠其深厚。  
風氣蔚乎盤旋。滙平波兮衍漾。沛膏沃乎四  
達。草木暢於碕岸。松楸蔭乎元閭。駟啟兆兮  
騰嘶。鶴歸來兮。蠶薛若璣。含而玉蘊。必光潤  
之發越。允洪源而疏派。盛來葉於本支。疊仁

誼之休軌。培禮讓之層基。運有移而或廢。才  
靡挺而弗奇。煥惇史而蟬聯。垂聲烈之陸離。  
襲珪組於往朝。紛簪紱於當代。咨憲祖之秉  
毅。肅風紀於外內。批龍鱗以叵測。奮矛觸而  
峻裁。實邦家之司直。規芳躅於典載。惟樹德  
之務滋。乃光啟乎後人。禎祥集而隕祉。英精  
合而降神。屹崑邱之峻極。粹江海之瀟淪。炳  
明哲於冢宰。叶嵩高兮誕申。冠大廷之清問。

首詞林之宗匠。鋪王猷兮藻斧。凝庶績兮寅  
亮。熙邦秩兮允格。總銓司之衡量。明黜陟以  
忤權。當盤錯而彌充。屬傾注於皇眷。觐雅望  
於蒼黎。羌難進而易退。豈舊學之或遺。建我  
公之勇邁。鑒止足以自持。皇俯察其懇誠。優  
元老而逸之。嘉翩翩之公子。膺宣慈之茂舉。  
贊密畫於戎樞。逞天衢而翱翥。篤因心之至  
懷。乞致祿而返宇。躬夙夜於色養。全忠孝於

出處高疏氏之去漢。偕父子而辭榮。美胡公  
之勵操。亦橋梓而並稱。羨考槃於衡泌。恣棲  
遲兮無營。嗤巧宦兮蒙刺。賦閒居兮遂情。棄  
侍奉之餘隙。肅仰止於玉阜。遵練川之修湄。  
瞰汪汪之娟瀏。慨先墓之攸存。綿世澤之孔  
厚。緬王氏于晉京。與清淮其永久。奚好爵之  
徒縻。繫令問之式昭。譬作室而肯堂。賴增構  
于崇高。善居寵而益懼。戒盈滿之勿驕。感遙

源而思濬。悵盤桓其鬱陶。凌輕颺以浮汎。泝  
明月而迤邐。寒碧藻兮中坻。采素芝兮芳沚。  
穆金波兮桂醕。藉蕙肴兮芬旨。信吾修兮蠲  
潔。充嘉薦兮衍只。超塵俗於物外。狎魚鳥而  
羣嬉。執虛應以環中。謝得失之危疑。娛情志  
於墳素。樂元澹以希夷。舞斑衣於愛日。獻眉  
壽於無涯。沛彭年造。鈐印二。沛彭年印。彭氏  
孔加。奉贈練川先生三十韻。練新發洪流。

睢陽縣世澤休禎鬱以長。醇龐厚而積。所以  
產哲人。雲仍衍靈脉。粵昔秘閣賢。名區啟元  
宅。奕葉久彌昌。金閨累通籍。豸史揚清風。霜  
臺挺蒼柏。於口太宰公。蜚聲盛輝赫。纚纚補  
衮絲。几几公孫鳥。豈惟懋勛猷。德望一何碩。  
厥允良象賢。高標邁凡格。博綜貫天人。武庫  
森矛戟。洵美軼元成。才華眇元白。實大心愈  
冲。乾乾惕晨夕。登仕歷兩都。督府籍叅畫。清



修肅官箴。令聞溢遐僻。緬焉桑梓懷。邈源念  
疇昔。悠悠澄川思。眷眷豐芑迹。竭來辭寵榮。  
就養志靡易。屏居謝紛囂。結廬聊自適。圖史  
充棟梁。文光煥東壁。匪徒定省恭。兼之愛敬  
客。陳榻延名流。握手示肝膈。時理川上舟。載  
蠟山中屐。興盡即言旋。風帆迅飛翮。遙歸覲  
高堂。金樽進瓊液。芝蘭藹庭除。芳芬上瑤席。  
撫之足娛情。奚為廣阡陌。猥余托比鄰。處仁

忻所擇。招攜飲餘波。問奇倚披摘。仰止歛作  
求。願言保無斁。武陵顧雲龍。鈴印二從化。武  
陵漁客。遙遙練祈川。遠引三江脉。滉漾盪  
空青。泓澄湛寒碧。流波界崑定。通海納潮汐。  
其陽風氣會。厥壤實厚積。秘閣有朱公。茲焉  
奠元宅。豈惟戀邱壑。聊用藏體魄。來商紛哲  
賢。輝光粲珠璧。名懿踵軒裳。靈源衍深澤。桓  
桓今太宰。廷對屈羣策。元德表巖廊。清問恒

側席寅亮庶績凝。邦秩勞允格。懸衡黜陟明。  
竟逢權貴逆。飄然拂衣歸。寧戀腐鼠嚇。青山  
喜獨往。衡宇聊自適。繼甫本象賢。翩翩徽嗣  
與。戎樞贊密畫。芳譽已騰籍。雲衢高步遙。色  
養嬰情迫。解組風塵中。寧須俟髮白。忠孝道  
豈殊。父子念尤劇。容與同故鄉。逍遙樂泉石。  
秋穀爛璫玖。春杯濃琥珀。放棹每孤往。登臨  
或攜客。顧瞻天壤間。此樂豈堪易。何當力行

餘緬懷川上迹。世澤已深厚。蒿萊宜數闢。水  
木遵本支。川源衍流液。草堂肇嘉名。相與覃  
朝夕。新圖乞探微。詠賦總名碩。塞予通家末。  
契分投宿昔。贈言聊爾耳。繁詞愧蕪撫。嘉靖  
乙卯二月丙戌。茂苑文嘉。鈴印二。肇錫余以  
嘉名。文休承氏。遙川一片練。繫爾百年思。  
世業箕裘在。高標杖屨遺。枝分崑阜玉。潮發  
海門奇。綠野承顏日。春風詠謝詩。長洲張鳳

翼叔賦鈴印二張鳳翼印張伯起氏

引首

練川草堂蘇款徵明鈴印二徵仲甫印停雲

鑒藏寶璽

五璽

寶笈三編

收傳印記畢沅審定畢沅寶藏吳家鳳印畢  
瀧鑒賞畢沅秘藏爾雅堂印

謹案朱玉峯名希周字懋忠崑山人宏治丙辰賜進士第一歷官南京吏部尚書明史有傳其子繼甫郡志失載名未詳顧雲龍長洲士人有多木園在寶城橋北見蘇州府志



明陸治雲川圖 一卷

本幅絹本。縱一尺二寸九分。橫四尺六寸三分。設色畫白雲翠岫。遠水扁舟。款嘉靖辛亥九日。包山居士陸治作。鈐印三。陸生叔平。陸叔平氏。包山子。

後幅

雲川記。客有訊於余曰。望白雲而怡悅。樂清泌而忘飢。非隱居閒曠者之事乎。友人姚子

世恩少年俊敏。挾貨貲。飾冠劍。翱翔遠游。炫  
耀大都。日且不遑給也。安所得清閒之燕。夷  
曠之暇。而以雲川自號耶。余曰。唯唯否否。物  
之不齊。物之情也。人各有能有不能也。姚子  
嘗語我矣。其言曰。世恩奉高堂之命。每有行  
役。浮江湖。越淮泗。洪河清濟。舟之航之。易稱  
利涉。實允蹈焉。爾其聯維鶯林。泊颿鷗渚。風  
恬浪戢。天水空明。白雲徐來。飄颻蕩漾。引領



遐矚悠然自得於斯時也。心為之融，體為之舒，動與雲流，靜與川止。人也，境也，真相為適也。乃援琴命酌，為飛雲流波之操，鼓一再行，浩歌長嘯，恍若洞庭之瀾，具區之渺。游魚仰聆，江妃出聽也。誠不知有跋涉之勞，塵俗之溷，役吾形而汨吾慮者矣。姚子之言云然，則其以雲川自寓，曷足駭哉？物固不可齊，人固量不可

三字疑  
倒寫

也。世有儒外而賈內者，緣飾

詩書被服章黼繩趨矩步。可謂賢矣。然而勢利之嗜。熬其胸。得失之危。煎其腑。狐媚蠅附。巧取競襲。視仁義猶糞壤耳。天雲川水。又豈暇少寓目。以寄賞哉。姚子方弱冠。而抱奇志。敦行孝悌。傳以忠信。裕蠱以隆家。竭力以致養。親賢樂善。與高人勝士。徜徉於山水間。不啻如飢渴飲食也。暇則攻書翰。覽載記。名帖佳繪。購而藏之。雖從事廢舉。往來都邑。而表

馬紛華之習無所慕。恂恂有廉退風。不亦賈  
外而儒內耶。雖謂之隱居閒曠可也。余方欲  
因其雲川之說而進之。客曰。何如其進矣。余  
曰。子豈弗聞夫雲之生也。觸石而興。膚寸而  
合。不崇朝而雨。天下川之流也。混混汙汙。不  
舍晝夜。崎嶇萬折。必東歸海。此天地之性也。  
至理之形也。君子於是喻道焉。姚子之所樂。  
特其小者云。使其獲聞乎是。而執虛以保貞。

含垢以宏量。謙而光也。柔而則也。全生以為  
仁也。利物以為義也。殆不必逃人羣而閔棲  
海岳而曠。浮休清冷。雲與川常在我閨矣。隱  
不違親。貞不絕俗。聖門之所許也。姚子能弗  
自畫。其庶幾哉。客曰善。退將勗諸姚子。嘉靖  
二十九載夏五既望。彭年記。鈐印四。飛雲閣。  
彭年。隆池。彭孔加氏。

明陸治石湖圖 一卷

本幅紙本。縱九寸二分。橫二尺九寸六分。設色畫。烟樹溪橋。帆檣迢遞。遙山一抹。暎帶湖流。款嘉靖戊午三月。陸治為五湖先生作。鈐印二。包山子。陸叔平氏。

後幅題跋

岸柳霏烟。溪桃炫晝。時光最喜春晴。風暄日煦。况是近清明。漫有清歌送酒。酒醒處一笑。

詩成春爛熳。啼鶯未歇。語燕又相迎。向茶磨  
山前行。春橋畔。放杖徐行。喜沙鷗見慣。客與  
無驚。不覺青山漸晚。夕陽天遠。白烟生。非是  
我與山留戀。山亦自多情。春日承子傳禮部  
邀遊石湖。坐客出示天全公遊山詞。因次韻  
邀諸君同賦。詞寄滿庭芳。昨來叨擾。厨傳謹  
此奉謝。徵明頓首上。令弟子行同此。石湖  
八絕句。錄呈子傳尊兄。郢政。石湖春色太可

憐。卻似美人明鏡前。錦甸平鋪鴨綠水。白雲  
飛動蔚藍天。星橋北挂瀉春流。映出黃山水。  
面浮霞石天青。飛練鵲桃花氣。暖醉輕鷗春。  
山。西面翠屏開。盡繞吳王百尺臺。一代霸圖。  
憐。燼滅五湖流水恨東迴。三月暮春春服成。  
含風疊雪粵羅輕。生憎乳燕撩春色。轉遣飛。  
花蕩酒情。越來谿上柳千絲。畫鼓游船晚更。  
移。一曲紫雲歌。粵女雙鬟白雪舞。吳兒數松。

磊落千尺強。恰如天際羣龍翔。吟風嘯雨中。  
琴瑟大澤深山藏。棟梁古木朱藤踈。着花澹  
雲斜日淨江沙。黃金臺上無推轂。白石山中  
有歲華。登山臨水春將歸。獨樹桃花猶未飛。  
玩世繁華真颺忽。後時顏色轉霏微。雅宜子  
王寵具藁。鈐印一。王寵之印。夏日奉陪衡  
翁石川海峯胥江元洲幼海諸公。雨後石湖  
臨汎海峯首倡。敬和二首。橫塘新水玉浮空。



十里明湖入鏡中。山色含青初過雨。林光搖  
翠遠生風。競拋簪紱欣多暇。共汎烟波興不  
窮。野客投竿少機事。喜陪鷗鷺日從公。越溪  
一曲占清深。坐閱風帆送渚禽。扇底蘋香消  
溽暑。峯頭松色帶輕陰。人同河朔催飛筆。地  
即稽山有茂林。千載高賢追勝賞。百年空谷  
響跼音。海峯公再示答衡翁二篇奉和疊  
鼓鳴笳汎遠空。碧山飛翠酒波中。至能歸隱

湖邊日。季重賢豪鄴下風。文苑聲華真不朽。  
醉鄉勲業自無窮。何人解領滄洲趣。秉燭迴  
舟有數公。楞伽結夏轉幽深。樹樹關關對語  
禽。極浦漣漪開霽色。上方臺殿閣雲陰。僧供  
玉版烹山茗。客醉珠歌憩石林。綵筆新詞題  
翠壁。陽春慚愧雜巴音。彭年頓首具草呈上  
元洲閣老先生詞伯請教。鈴印二孔加隆池  
山人。從衡翁元洲諸公石湖臨汎和海峯

丈二首。新水增波碧。漾空悠悠放舸出流中。  
錦帆映帶青山色。紈扇招搖玉樹風。世外夔  
龍逢道泰。酒邊嵇阮忘途窮。五湖不逐鴟夷  
往。千古風流復數公。湖濱野寺水雲深。清樾  
時聞響夏禽。一壑團風涼颯颯。羣峯閣雨晝  
陰陰。名流自合參蓮社。懶性聊從卧竹林。莫  
問烏栖歸去早。夜船歌吹有餘音。六月朔日。  
周天球頓首具草。元洲尊丈先生文侍下求。

教。日來必有和篇。不惜投贈。幸甚。鈐印二公。  
瑕子。周天球印。

卷內鈐

高宗純皇帝寶璽。乾隆御覽之寶。

鑒藏寶璽


五璽

寶笈三編

收傳印記。安氏儀周書畫之章。儀周珍藏。  
朝鮮人安岐之印。

謹案子傳陸師道字又自號元洲。天全徐有  
貞統也。子行師道。義名。要選亦善書。見弇州。

續稿。石川張家號。攷見前海峯吳子孝號子  
孝字純叔。號海峯。晚更號龍峯。長洲人。尚書  
一。鵬子嘉靖己丑進士。歷官湖廣參議。見皇  
甫。汾司勳。集幼海周天球號。



明陸治玉田圖

一卷

本幅紙本。縱八寸。橫三尺三寸六分。設色畫。蒼巖碧澗。仙閣排雲。中闢瓊田。植琪花。瑤草。人作道裝。或倚欄。或涉崖。有二鹿。馴擾樹石間。鈐印三。陸生叔平。陸叔平氏。包山子。另幅自題。種玉無春冬。洪源湛藍田。千齡一葉長。九轉片時還。靈泐中丹餌。瑤花生紫烟。元中萃光景。朗照定何年。包山陸治畫。并題鈐印。

二。包山子。陸生叔平。

後幅

玉田記。客有訊於余曰。子之友王君。其稱玉田者何居。其固有膏腴沃壤於崑邱之側。黑水之陽乎。其躬秉耒於抵鵲之野乎。意者嘗鑿空遠使。跋履乎大秦之墟乎。余曰。非也。王君廉士也。懸黎結綠。不足以爲珍。苔華瑾瑜。不足以爲貴。其視連城五都之寶。蔑如也。客



曰。然則曷為其稱爾乎。余曰。願少安。請得盡  
白之。王君少有大志。讀孔孟氏書。夙夜強學。  
冀有所進取。而勤勵過甚。乃患耳疾。久之竟  
失厥聰。求治靡効。於是遊放山澤。精心訪道。  
遇異人為診視。且曰。爾病不足復治。爾獨可  
為醫。為醫必獲如志。因探懷中書與之。并脉  
訣心灋。指授千言。乃別去。歸而盡發所藏醫  
經本草論案篇籍。究切之。果奇方也。君乃大

悟曰。吾少時欲謀仕。以濟人利物為意。不幸患痼疾。志弗克就。吾聞醫之道。能起死人而肉白骨也。其在茲乎。其在茲乎。立市藥。修治之。稍稍出試病者。病輒愈。愈數十百人。名大起。君儒生。謙雅蘊籍。口不言世事。一時吳士之賢者。多所親重。蒙療者厚於報謝。每輒辭拒。故皆許以為廉。其所自喻。則欲治其心之謂也。嘗曰。吾聞君子於玉比德焉。而人情以

為田吾之方寸有在也。吾將以溫潤而澤者  
為仁種，鎮密而栗者為知種，廉而不剝者為  
義種，瑕瑜不掩乎尹旁達者為忠信種。吾雖  
無德，以比之而深耕易耨，且溉且滋，罔敢少  
自暇逸，使鄙吝得稂莠焉。吾田不既治乎？崑  
邱黑水，荆山大秦，其道里遼遠，相去不知其  
幾何也。難冠蒸栗，點膝截肪，其符采瓌異，相  
耀不知其幾何也。若皆在方寸之區矣。然吾

不敢貪畝鍾之收。以為富。但願畢力其間。日積月累。至乎不知老之將至焉。則庶幾其亦有秋乎。其稱玉田者。以此。客曰。唯唯。微子幾失王君。乃今曠然若發蒙矣。不玉玉也。不田田也。王君其可謂善治其心矣。昔雒陽羊雍伯於無終山。作義漿。以救渴者。三年不懈。神授之石。使種之。得璧五雙。天子異焉。位為大夫。而表其地曰玉田。矧王君良於醫。起死肉

骨若是其衆則其為義漿也多矣提封頃畝  
其將有真玉田者至客就駕余追善其說遂  
書記之嘉靖己酉夏六月六日衡山文徵明  
記鈴印二徵仲父印悟言室印君不見黃  
帝種玉鍾山陽瑾瑜五色雲霞光又不見羊  
公種玉無終下石坂虹騰白壁雙君家玉田  
在何處手握山元佩水蒼養生早悟軒轅術  
濟物每施雍伯漿瑤池仙人與美種神農雨

師傳禁方耕烟鋤雨藝元圃鉅疑作英鍊液

行青囊小璣蒼壁豈足數苔華琬琰何煌煌

我思至人求鍊骨君家乃住藍田鄉勸君莫

抵荆山鵲念我正釣磻溪璜陸師道鈴印二

子傳嘉靖戊戌進士

引首

玉田圖篆周天球鈴印二公瑕子周天球印

鑒藏寶璽全五璽寶笈三編

明陸治畫山水 一卷

本幅紙本。縱九寸八分。橫五尺七分。設色畫。  
河梁策騎。烟濺揚帆。山色龍蔥。波光杳渺。自  
題。昔日花從西子笑。今朝花笑獨春風。石湖  
寒浸胭脂冷。猶帶紅粧落影中。水盡天南漾  
晚空。斜陽漁浦荻花風。菱歌散入孤雲去。直  
帶寒潮到越中。隆慶辛未端陽日。作於有竹  
居。包山陸治。鈐印三。有竹居。包山子。陸治叔。

平。

鑒藏寶璽

五  
金璽

寶笈三編。



明陸治歲朝如意圖 一軸

本幅絹本縱三尺八寸橫一尺五寸二分設  
色畫如意一枝梅花天竹山茶水仙柿百合  
素華丹萼掩映瓶盎旁植嘉穀生意油然款  
嘉靖十二年癸巳冬月寫於西畹齋包山陸  
治鈐印二陸氏叔平包山子

高宗純皇帝御題行書

寓意吉言圖歲朝椿梅點綴報春韶三元雅稱為

清供勝綵金珠遜覺遙。壬寅新正御題鈐寶二。  
古稀天子猶日孜孜。

前人題跋

起問梅花整角巾。陽和已肇歲華新。安排詩料酬佳興。羨爾圖中點筆真。補菴郎中以陸叔平畫歲朝如意圖屬題。因為賦之。嘉靖甲午人日。商谷居節鈐印。一居節。東風漸綠瀛洲草。綵勝都裁五色絲。今日喜將樂事

并浣花溪上一題詩崔子忠鈐印二崔子忠  
印北海

軸內分鈐

寶璽乾隆御覽之寶乾隆鑑賞

鑒藏寶璽

全五璽

寶笈三編

收傳印記文毅公孫篤湖汪氏家藏竹垞

[illegible]

明陸治久安大吉圖 一軸

本幅絹本縱五尺九寸二分橫二尺五寸三分設色畫蟠松詰屈懸壺累累下有九鵝鶻飛鳴繞樹款嘉靖丙寅春日包山陸治寫鈴印二陸叔平氏包山子

玉池英和楷書

御製詩

百尺喬柯翠蔭鋪盈枝磊落遍懸壺珍禽盈九

探芳集題繪開韶吉語符  
獻歲臨軒慶履端  
久安寔寓益求安  
聿宣陽德生機暢品物咸亨  
兆庶歡

御題陸治久安大吉圖

臣英和奉

勅敬書鈐印二臣英和敬書

鑒藏寶璽全五寶笈三編

明陸治竹報平安圖


一軸

本幅紙本縱三尺六寸八分橫一尺三寸四分設色畫修竹檀欒牽牛花纏竹上巨石旁蒔海棠數本款壬子秋九月包山陸治作鈐印二陸氏叔平包山子

鑒藏寶璽

全五璽

寶笈三編





明陸治羣仙拱壽圖 一軸


本幅絹本縱一尺八寸橫七寸設色畫水仙  
綺石自題羣仙拱壽圖庚午冬日寫於陽山  
之大石臺五雲精舍包山陸治鈴印二陸氏  
叔平包山子

鑒藏寶璽

五璽全

寶笈三編

收傳印記武陵人尹玉又一印不可辨



明陸治雙鷄圖 一軸

本幅紙本縱二尺橫九寸七分設色畫山石  
秋花雙鷄一昂一伏款包山陸治鈐印一包  
山子

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽 金五璽 寶笈三編

收傳印記允文眉公江左僧彌張伯起缶歌

館

明陸治畫寒江釣艇一軸

本幅紙本縱二尺橫一尺一寸五分設色畫  
寒江釣艇款隆慶二年夏日包山陸治鈐印  
一包山子

高宗純皇帝御題行書

水寒魚不餌垂釣意如何冰鯉雖艱致釣成名者  
多壬午仲春御題鈐寶二乾隆宸翰幾暇臨池  
前人題詠

雪滿青山卷畫船。中流泛泛小如蓮。無端棹  
入冰壺去。一片清寒萬里天。嘉靖辛卯冬月  
徵明題鈴印三停雲徵明衡山

軸內分鈴

寶璽乾隆御覽之寶。乾隆鑑賞。淳化軒。淳化軒圖書  
珍秘寶。乾隆宸翰。

信天主人

鑒藏寶璽


金五璽

寶笈三編

明陸治畫水仙芝草一軸

本幅絹本。縱三尺六寸。橫一尺六寸。設色畫  
泉石清幽。水仙叢茂。靈芝五色。間生其中。款  
癸巳正月望。包山陸治作。鈐印三。陸叔平氏  
包山子。陸治。

鑒藏寶璽  
鈐五璽  
寶笈三編





明陸治畫花鳥一軸

本幅絹本縱四尺橫二尺二寸設色畫杏花  
楊柳一鸚鵡立花枝上雙白燕翔集柳條間  
自題秦禽最解春光曉久立枝頭欲倒眠忽  
聽綠楊燕燕語夢回驚落落花前甲辰二月  
廿八日包山陸治製鈐印二包山子陸生叔  
平



明陸治仿王蒙林壑蕭閒一軸

本幅紙本縱四尺二寸五分橫一尺二分淺  
設色畫幽壑邃巖瀑流如雪溪堂崖屋掩映  
於松陰石色間自識余少師黃鶴山樵頗亦  
窺其蹊徑後以草草漫應久不為之蓋山樵  
筆意古雅多蕭閒林壑之趣非澄懷弄筆罕  
臻其妙嘉靖戊申之秋山居累月悠然有山  
樵之思遂作此幅雖筆墨蒼老差勝於前而

山樵之意失已多矣使觀者求之驪黃之外  
未必無所取也后一年己酉秋日包山陸治  
識鈐印三陸治之印陸氏叔平包山子

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

明陸治畫天中佳卉一軸

本幅紙本。縱三尺五分，橫九寸。淺設色畫盆  
石菖蒲。款嘉靖癸丑仲春，包山居士陸治畫。  
鈐印三。叔平、陸生、叔平。原錄菖蒲歌有石奇  
峭天琢成，有草夭夭，冬夏青。人言昌蒲非一  
種，上品九節通仙靈。異根不帶塵埃氣，孤操  
愛結泉石盟。明窗淨几有宿契，花林草砌無  
交情。夜深不嫌清露重，晨光疑有白雲生。嫩

如秦時童女登蓬瀛。手攜綠玉杖。徐行瘦如  
天。台山上賢聖僧。休糧絕跡孤鶴形。勁如五  
百義士從田橫。英氣凜凜摩青冥。清如三千  
弟子立孔庭。回琴點瑟天機鳴。堂前不入紅  
粉意。席上常聽詩書聲。怪石篠簜皆充貢。此  
物舜廟當共登。神農知己入本草。靈均蔽賢  
遺騷經。幽人耽玩發仙興。方士服餌延修齡。  
絳鸞虬鳳琪華苑。赤虬玉麟芙蓉城。上界真

人好清淨。見此靈苗。當大驚。我欲攜之朝太  
清。瑤草不敢專芳馨。玉皇一笑留香案。錫與  
有道者長生。人間千花萬卉。儘榮豔。未必敢  
與爭高名。宋謝枋得撰。庚申歲新秋望日。雲  
間沈士端書。鈐印二士端克明氏。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

謹案疊山先生此詩見宋遺民集賢聖作聖  
賢絕跡作絕粒動如作動如知已作多智赤  
虬作青虬錫與作賜與并儘作草盡敢與下  
多此草二字高名作高明疑動并名三字此  
本得之絕粒多智則集本為善



明陸治畫榴花小景一軸

本幅紙本縱二尺四分橫一尺四分設色畫  
紅榴菖蒲百合花款隆慶庚午天中節包山  
陸治寫鈐印二陸叔平氏包山子

軸內分鈐


高宗純皇帝寶璽乾隆御覽之寶乾隆鑑賞

鑒藏寶璽

鈐璽

寶笈三編

收傳印記詒晉齋印



明陸治畫端陽佳景 一軸


本幅絹本縱三尺六寸橫二尺設色畫蜀葵石榴靈芝山丹自題葵榴花下自稱觴南極星輝滿畫堂。況是江南多勝事朱明佳節正端陽懷親杜隱君七十包山陸治題贈鈴印二有竹居包山子

鑒藏寶璽

五里全

寶笈三編

收傳印記陳履平印清白之遺



明陸治畫山水一軸

本幅紙本。縱四尺七寸四分。橫一尺一寸三分。水墨畫重山複水。別墅疏林。自題江鄉雲物。經秋變。萬井濃煙散海涯。青嶂遠開。翠外意。丹楓疏著鏡中花。晴光照眼空潭影。孤夢驚心慘月華。却畏新霜愁入鬢。欲憑洗髓學餐霞。陸治鈐印三。陸氏叔平。包山子。陸生叔平。

鑒藏寶璽

全五璽

寶笈三編


明陸治畫玉簪秀石 一軸

本幅紙本縱二尺六分橫一尺五分設色畫  
白萼花數株綴以文石自題碧葉團陰約素  
英何如寶髻玉釵橫當年化作雙飛燕疑是  
昭陽夢裏人包山陸治畫并題鈐印三陸治  
之印包山子陸生叔平

鑒藏寶璽

全五璽

寶笈三編





明陸治畫牡丹一軸

本幅紙本縱二尺九寸四分橫一尺一寸六分設色畫紫牡丹一朵自題自謝康樂始言永嘉水際竹間多牡丹秦漢以前無攷而北齊楊子華有畫牡丹則此花之名由來久矣唐開元中盛於長安逮宋惟洛陽之花甲於海內名人高士如邵康節范堯夫司馬君實歐陽永叔諸公尤加崇尚往往見之咏歌洛

陽之俗大都好愛牡丹。閱風土記可考。鏡也。  
大抵洛陽之花以姚魏為冠。又有蘇家紅。賀  
家紅。林家紅之類。花皆單葉。惟洛陽千葉白  
洛陽花盛而諸花詘矣。嗣是歲益培接。競出  
新奇。固不特前所稱諸品已也。性宜寒畏熱。  
喜燥惡濕。得新土則根旺。栽向陽則性舒。陰  
晴相半謂之養花。栽接別治謂之弄花。最忌  
烈風烈日。若陰晴燥濕得中。栽接種植有法。

花可開至七百葉面可徑尺善培種者既擇  
佳種又合時宜花必盛開更變異品均在乎  
以意相迎而後可也隆慶辛未穀雨前四日  
仿宋人畫法於西曉齋並書花譜一則包山  
陸治鈐印二陸氏叔平包山子

鑒藏寶璽

全五璽

寶笈三編

10

明陸治畫松芝一軸

本幅紙本縱三尺七寸橫一尺二寸二分設  
色畫青松紫芝翠竹掩映湖石間款包山陸  
治鈐印二陸治之印叔平

鑒藏寶璽五璽寶笈三編

